

澣野關志卷之十五

人物 流寓

宋

謝濤字濟之其先自陽夏徙富陽父崇禮為中吳軍節度推官故為蘇人盧志濤幼奇敏講學陽山澄照寺吳令羅處約長洲令王禹偁皆與定交淳化三年擢進士第神道碑為梓州權鹽院判官李順反成都濤盡守禦之計以功遷觀察推官權知華陽縣時腴田悉為豪右侵佔流民至無所歸濤為判還之改著作佐郎知興國軍以治行召尋知曹州嘗使蜀還舉所部官三十餘人宰相疑其多濤曰有罪願連坐奉使舉官

澣野關志

卷之十五

人物 流寓

一

連坐自濤始既用馮拯薦以尚書兵部員外郎直史館兼侍御史知雜事真宗山陵請裁損明器累官西京留司御史臺遷太子賓客子絳字希深以文學知名舉進士中甲科仕至知制誥判禮部知鄧州所至大興學舍嘗請諸郡立學好施宗族喜賓客卒之日家無餘資有文集五十卷已上宋史絳子景初字師厚慶歷六年甲科及第以屯田郎致仕長於詩為歐陽修梅堯臣王安石所推重弟景平字師同中進士第終秘書丞著詩書傳說數十卷弟景回字師復好學工文辭年十九已可傳世惜以疾卒盧志

元

吳淳字伯善讀書敏行少與兄同居兄以疾廢伏枕幾二十年元季吳中被兵家人悉奔潰淳獨侍兄不去有操刃入室者淳負兄倉皇走避復遇亂兵十餘持刃交刺淳以身蔽兄被三十餘創昏仆於地兄竟兵死淳稍蘇遂入秦餘杭山鬻墨以終舊志又有名鉦者字通六值元世離亂隱望亭耕讀不仕宅有巨楮人呼大樹先生高太史啟以高賢達士稱之或云鉦曾仕宋度宗朝爲都事有大壽至明初始卒家譜

明

董遠字仁仲天台人居陽山精朱氏詩兼通左氏春秋至正中試有司不中遂留錢塘潛心古學無意科舉已入吳天平山

許墅關志

卷之十五

人物 流寓

二

中張士誠聞遠名書幣迎之遠堅臥不起使再及門乃避地錦峯吳元年徵赴京師以沉默不稱旨謫居濠梁八年用薦授莆田知縣以循良稱縣志

陳昉字道濟都御史瑀孫郡廩生始居郡城天性孝友事二人志承色養執喪皆如禮幼與兄車駕郎中津同硯席吳文定公寬驚異之贈以詩比遊庠文章大起學行推重一時爲部使者所識拔試輒高等世家鼎族爭迎爲師已結屋許墅鼓篋者日轅門下凡司農大夫莅茲土者爭禮敬之會社學師缺聘典之四方翁從弟子積至數百人多科第而已竟不第無懟色乃閉戶掃軌肆志墳典構洗心亭以爲遊息之所名

人過吳下者必造其廬會津歸老扁其園曰徵壽日杯酒倡
酬以爲樂性警敏博綜經史百家抱負磊落恥齷齪事經生
佔畢鑄詞發藻敷腴邈達爲時所膾炙於詩益工所著有南
遊編湖鄉樂徵壽園錄若干卷晚益潛心理學安命樂道嘗
買地瘞翁采山封宋趙王塚嘉靖戊申年六十三無疾而卒
陳椿所撰從父
方舟公墓誌

包捷字驚幾吳江人少有文名崇禎十五年舉於鄉亂後變姓
名隱居陽山吳易死於杭親戚莫敢視捷潛往收其骸葬之
壬辰卒貧無以殮篋中惟淳化帖一部需以具棺云松陵
文獻

本朝

泲墅關志

卷之十五

人物 流寓

三

○徐枋字昭法明詹事泲長子始居郡城少有才名年二十一
舉崇禎壬午鄉試南都失守泲將殉國枋日夜號泣欲從死
泲口吾不可以不死若長爲農夫以沒世可也乃奉父命持

据營葬迹不出初居鄧尉山中繼徙金墅湖莊

此大字據
居易堂集

增後隱靈巖之上沙土舍數椽讀書其中布衣草履終身不

入城市家貧常賣畫自給雖藜藿不繼而莫能強以一錢之
餽平日往來同志數人外雖至戚罕得見面時以枋與宣城
沈壽民嘉興巢鳴盛爲海內三遺民川湖總督蔡毓榮慕其
名具書致名藥厚幣託幕下友馮羽道意謝不受遺書馮生
略曰僕年二十四守先人沒世之言長往避世今已五十一

矣親知故舊都謝往還絕問遺顧敢與當世之公侯卿相通
交際耶且當世之公侯卿相亦安用此衰悴廢民爲也幸爲
我善辭以安我素拜賜多矣睢陽湯斌撫吳九欽其節嘗屏
騶從兩詣山中訪之卒不得見歎息而去所著居易堂集二
十卷文辭健拔大抵主於扶世教植綱常無一諛墓應酬之
作又有二十一史文彙通鑑記事類聚讀史稗語讀史雜鈔
建元同文錄管見等書山水宗董巨閒法倪黃當其得意自
謂前無古人書善行草俱爲世所重康熙甲戌年年七十三
卒

府志

○戴易字南枝山陰人慕嚴子陵高風賦釣臺詩三千六百首

潞野關志

卷之十五

人物 流寓

四

來吳與楊无咎善因无咎交徐枋枋臨沒以書招无咎易偕
至无咎爲撫其孤孫而易賣字積金葬枋於眞如塢易蒼顏
古貌幅巾道袍喜吟咏能作徑丈八分書嘗寓居潞野有虎
嚙葛天騏聞昱范安序金祿爲南枝先生醮金卜宅小啟存

集中 縣志參文集

○沈義吳江市人業賣糕爲人任俠仗義方周宗建被逮下詔
獄僮僕無敢從者義獨慨然隨侍周旋橐餽不避危險宗建
死於獄惟義買棺親爲含殮一時盛傳其事比於文文山之
張義甫蘇松兵備馮元颺奇其人檄至麾下崇禎末元颺巡
撫天津題授都司加副總兵銜後隱居伏龍山而卒

吳江縣志

○湯光啟字式九高士王武弟子也寫生盡得其傳而好義亦復相似少時學擊劍舞時槍箭不能入人服其能遇友朋急難幾欲忘身有欽姓者受枉坐死罪光啟棄家產以救不濟訴之鄉大夫之持正有大力者卒脫於獄人爭義之晚歲家蕩然藉筆墨餬其口幾於三旬九食然略無悔心也寓居黃埭年七十九卒

縣志參李果詠歸亭詩鈔

○韓洽字君望郡學生深潛篤學於書無所不窺有志操明末國變自投泮水家人救起之妻死不再娶曰國亡矣安用家爲孑身隱居羊山自稱羊山畸人足跡不入城市藜藿不充晏如也湯文正斌撫吳慕其賢欲見之避去所著有四書因

游墅關志

卷之十五

人物 流寓

五

註儀禮因註禮記因註羊山志寄庵集尤深於字學所撰象學測解釋訓考源論者謂足證說文長箋之譌朱彝尊又稱其詩爲明季以來吳中第一

府縣志

○陳進字蕢山吳江人隱居小白陽山孤介絕俗掩戶讀書以自娛嘗取宋洪遵錢譜增輯上下二卷多所考究精於篆學與陳炳互相參考無子老依僧舍或鬻書以自給身後書卷雲煙散失爲可惜云

○汪琬字茗文明舉人膺子初居郡城少孤自奮讀書五行俱下舉順治十二年進士觀政通政司假歸銳意爲古文辭以起衰自命尋授戶部主事分司大通橋進員外郎改刑部遷

郎中河南民張潮見以報母讐殺其族兄三春巡按御史論潮死琬爲復讐論引律文罪止杖爲據以奏銷案罷歸居許

墅康熙元年北上

此九字據堯峯文鈔增入

爲北城兵馬司指揮兵馬司

秩卑職冗左官者多偃蹇不屑意琬剛直不撓理冤誣決疑獄懲奸豪任滿去民炷香攜酒送者塞道復爲戶部主事權江寧西新倉以病假歸結廬堯峯山益閉戶著書家居九年以博學鴻詞召試授編修與修明史在史館六十日撰史藁百七十篇卽杜門稱疾踰年仍告歸歸十年而卒年六十七琬之爲文根柢六經浸淫史漢取法唐宋元明諸大家立言命意皆有所本嘗自言吾文從廬陵入非從廬陵出於易

書詩春秋三禮喪服咸有發明其敘事尤有法度一時名公鉅卿志銘表傳必以琬爲歸性伉直不能容人過雖賢人文士交遊遍天下而忌之者亦衆自知不容於流俗故前後閑居二十餘年泊然自樂也所著鈍翁類藁百十八卷自刪定爲堯峯文鈔五十卷並行於世

陳廷敬墓誌

○蔡家駒字昂若一字在谷先世居洞庭西山後遷郡城家駒孝友力學善古文簡而有法與李果遊果稱之晚遜迹陽山果贈句云蔡子我宿好深隱栖空山窮經繼毛鄭據文追馬班窮年歷冰雪獨坐忘飢寒以諸生終同時有顧羽皇居黃埭亦有文行與家駒及果善

縣志參李果詩文稿

○陸吟字靜川號柳南南潯人寓居泚墅素有詩癖專尚性靈每作一詩必易稿數次吟詠不休蓋改則疵病去吟則神味一出耳與之談詩聲輒振屋終日無倦容書法率更體能得其神爲人樸實精細嘉慶乙亥修葺義塾趙墓與有力焉卒年七十著有柳南詩鈔

○張淳父士鉉候選縣尉原籍徽州乾隆二十七年乃祖挈眷來泚服賈遂居於泚淳爲再繼母吳氏出幼有至性就傅外不離母側祖母與父母偶疾輒有戚容且能佐藥餌嘉慶二十一年冬夜不戒於火全家走避惟母尙在室中淳候母不出冒火躍入救之火勢益烈竟牽母衣同斃於火時年十三

泚墅關志

卷之十五

人物 流寓

七

穉齡純孝誠爲不易觀也

濟墅關志卷之十五

人物 遷徙

本朝

○張德純字能一號松南湖督畢沅外曾祖也世居崑山至贈君雲閒始遷居濟墅母方氏通經史松南在襁褓而有教六七歲即能辨聲韻書大字得句輒為人傳誦一時有神童之目長精文藝青浦黃公以姪女字年十五遂入青浦學二十七舉於鄉康熙庚辰成進士知常山縣多政績辛卯分校秋闈所得皆知名士緣事罷職僦居吳門壬子攜麟孫赴省卒於秦淮寓舍年六十九著有儀禮周禮箋解詩經解頤莊子

濟墅關志

卷之十五

人物 遷徙

一

箋釋離騷節解六書統宗孔門易緒等書長子之頊知貴州印江縣以負帑下獄論死長孫鳳孫字少儀晚號息圃懷血書詣闕請代百計營緩金事竟得釋時有三子之稱謂孝子才子君子也鳳孫少即英異母顧氏欲覘其志詢以先儒當學何人口學韓昌黎長而六經子史靡不貫通補青浦學生雍正壬子中順天副貢乾隆元年薦舉鴻博旋舉經學甲子復中副榜充正黃旗教習得州同改直隸州判歷順德府同知福建邵武延平福州知府雲南糧道四川永寧道以年老入補刑部郎中告歸卒年七十八著有詩文若干卷子三長瓚官懷遠知縣次璿官開州次慶曾官懷寧知縣

松南年譜參府

○張孟球字夔石介祉孫康熙乙丑進士授山東昌樂縣昌樂地瘠民負孟球省徭役課農桑邑有起色入為工部主事陞郎中視學雲南著廉明聲補河南糧驛道陞按察司護撫篆蘭陽縣有白蓮教煽惑愚民事泄孟球檄祀令甯佑局城嚴索盡獲其黨有司槩儼作叛孟球以愚民被誘與謀逆異止治逆劄偽銜者罪南陽守與遊擊某有隙守以賭博責營兵合營大噪縛守圍總兵署孟球但嚴令守禦得倡亂七人其餘自首者免兵心乃定人稱其得大吏體內陞京堂歸年八十卒弟叔琳廩貢生初任安徽蕪湖學博以循卓陞江西靖

潯墅關志

卷之十五

人物 遷徙

二

安縣向有蠹役侵民浮糧叔琳至詳上憲盡革之清風峻節精白乃心嘗修文廟設橋梁葺書院省徭役又嘗山行遇虎僕隸咸奔叔琳從輿中挺然曰清官雞肋耳烏足當汝一飽虎逡巡去人謂叔琳之德不特感人并足感物云孟球通籍居郡城梵門橋子學庠紹賢康熙己卯同科舉人已丑同榜進士學庠督學雲南紹賢知保寧府應造康熙乙未進士翰林院編修企齡康熙戊子舉人戶部郎中景祚雍正癸卯舉人礪山教諭五子並登科甲吳中稱為盛事叔琳子師良雍正己酉舉人河南魯山縣知縣昌蕃乾隆己未進士廣西武宣縣知縣均有政聲大齡貢生

府縣志

○惠周惕字元龍始居東渚後居郡城父有聲字律和明末歲貢與徐枋友善以九經教授鄉里周惕少傳家學又從枋及汪琬遊究心經學工詩古文詞既壯阨於貧徧歷四方與當代名人交康熙辛未成進士選庶吉士授密雲知縣有善政卒於官所著有易傳春秋問三禮問詩說研溪詩文集本府縣志予士奇字仲孺一字天牧年十二能詩及爲諸生益肆力於經史古學康熙戊子舉鄉試第一明年成進士選庶吉士授編修庚子主湖廣鄉試所得多知名士旋奉命提督廣東學政粵中士子鮮知實學士奇立約以通經爲先務令諸生誦習五經三禮三傳能背誦背寫者卽與錄取逾年通經之士漸多方報滿會

濟寧關志

卷之十五

人物

遷徙

三

世宗登極命再任士奇益殫心造就文風大振爲粵東數十年來學使之冠遷右中允超陞侍講學士轉侍讀學士旋放還乾隆建元復起補侍讀纂修三禮以老乞歸卒粵東人士奉木主祀於韓山位昌黎文公側以興文教也所著有歸耕人海等集晚年尤邃於經有易說六卷禮說十四卷春秋說十五卷府縣志參墓誌按周惕先世居濟繼遷東渚通籍後始遷郡城紅豆莊士奇假歸嘗居竹青里金家場濟寧固桑梓鄉也

○陳懋字裕德太學生爲人孝友和厚有幹才少食貧痛親不逮養修治墳墓撫弟成立不異產凡父母親黨無不盡情贈

遺又葺祖母母家祠墓力行善舉尤喜刊印勸善書籍生平
施予不啻巨萬恒託名他人以自覆年七十一卒識與不識
莫不墮淚

凌壽祺所作傳

○杜松喬字壽昌候選縣尉原籍姚江生長泲墅後遷常熟太
學湘亭次子嗣伯父汝璜後事嗣父母如所生養生送死無
違禮嘉慶三年間生母病危焚香告天割股和藥飲之霍然
咸謂純孝所感後生母歿哀毀摧絕幾不欲生生父慕遊臺
灣資罄難返聞信奔赴奉父以歸定省問視不少懈及捐館
盡哀盡禮宗黨稱之年四十七卒道光七年學使辛公從益
給孝德孚鄉額獎之

泲墅關志卷之十五

人物補遺

本朝

○徐樹丕字武子居陽山晚遷桐涇少補諸生姚希孟器重之妻以長女屢試不利益博覽羣籍善楷書兼工八分遇明國變隱匿不出卒年八十八所著有中興綱目識小錄陽山志杜詩註子晟字禎起博學工詩文年甫壯卽承父志棄諸生從父隱居家貧授徒養親垂四十年康熙癸亥樹丕歿亦六十六矣哀毀得疾營葬甫畢而卒所著有陶園詩集十二卷文集十卷姑蘇續名賢小紀二卷詞一卷家乘識小錄四

泲墅關志

卷之十五

人物補遺

一

卷晟子羽儀言笑不苟爲生徒說經盛暑必衣冠人謂其能

繩祖武府縣志合參

○陸在新字蔚文居泲墅西之彭山爲人磊落尙氣節刻苦自厲順治初爲諸生躬耕彭山下雞鳴起屬文畢荷鋤出暮歸讀書已而應鄉先生聘入城授徒康熙五年

詔以策論

取士在新故以經濟自豪遂得舉除松江教授巡撫湯斌察其廉勤特舉卓異是年江南七府一州長吏無登薦書者獨在新一儒官而已

詔賜蟒服擢廬陵知縣不以家口自

隨誓不受民一錢每晨拜誦戒石四箴乃視事建二亭縣門一榜曰問苦朔望坐亭中訪求民隱一榜曰息事置投牒者

於中令諦思之多自悔求息者不息乃詳訊之曲直立判嘗
裹糧詣鄉村勗民孝悌力田藹如家人暇則與諸生講德論
文士習益醇邑大治江水泛溢民多溺者急出錢募民船往
救身爲倡率出入洪濤中全活無算甫三年卒於官子孔奐
鬻書以殮民罷市巷哭祀吉州名宦鄉人亦以鄉賢祀之名宦

鄉賢錄

○倪南玉以字行佚其名善醫術醫經經方無不討究創建管
山藥王殿雖成由衆力而南玉實倡之族子見山能紹其業
後有同里馬昭千善治傷寒名幾埒於倪

○陳懿玉字楚珩工軒岐術治病不計財李宮保世傑爲泮關
委員時患沉疴楚珩投數劑治之卽愈遂訂交後李總制兩
江因公至蘇道泮墅造門訪之楚珩已沒遂書永懷頌橋額
以贈并爲跋以志之今懸陳氏家祠中同時族人邇行精幼
科活小兒無算

○羅啟周居通安橋爲小兒醫里姬村童篝燈叩戶無不應往
視亦不延晷刻繩牀敗絮便溲垢穢不爲嫌也尤精治痘決
死生多奇中時有活閻王之稱同時有朱遜來居本鎮南河
里亦善見醫全活無算後起則有陸受詒字繩曾白金墅遷
居泮墅精幼科工山水

○黃維森字衡蒼啞於口博覽玉版金匱之書治病不論財雖

盛暑不乘輿曰泚墅祇偏隅地足力尙勝且貧家延醫又多一費吾不爲也城中時醫顧雨田病輒延往視極稱所學有本兼工六法明音律善吹洞簫少後於維森者爲夏元良字萬貞通醫理以利濟爲重不屑屑計有無人尤重之又有陸佑三亦善醫遇危症能收奇效惜未五十而卒

○惠震字恒夫號石泉周惕族孫太學生善岐黃尤精傷科醫治不受人財喜講堪輿術每買舟出游經月不歸旁郡山川閱歷殆徧家藏古書甚夥又好吟詠贈圓妙觀道士張友桐詩傳誦於時其他惜散失

○張位存號辛人受學於郡中張亮揆得其傳治病多著效名泚墅關志

人物 補遺

卷之十五

王

日起篤於師門之誼嘗因丙夜得師疾耗卽買舟往省霜濃板滑失跌於鷓首傷尾間遂得咯血症竟不起年止四十餘人多惜之時同出亮揆門者有繆丹爲號松溪亦精醫術與位存皆兼工書畫

○俞景範精素難諸家之書譽噪一時族人萬通爲瘍醫善於割皴之功求治者幾不暇給時又有黃際飛工喉科雖瀕死投刀圭藥卽愈其他雜症亦皆能治

○鄭資萬湛深醫術治病輒效與黃維森齊名子岐山性敏甚讀書不能限以程幼失怙家貧年十二卽爲童子師得修脯以養母人皆以純孝目之日課徒夜讀軒岐書積九年之力